



3084 *kalikomp*

II.

P

*Docacchi Andreae, Scoti: Classes quinque  
Anagrammaticorum. Crai. 1609.*

POËTAE POLON.


~~N. 80.~~



Biblioteka Jagiellońska



stdr0001121



CLASSE S QVINQVE  
ANAGRAMMATISMORVM:

QVIBVS NOMINA  
LECTISSIMA QVORVNDAM,  
Vt Genere & Laude Illustrium, sic inter viros sui  
Ordinis de Literis & Humanitate  
Maximè Meritorum,

ADSCITA INTERPRETATIONE DONATA  
SPERATIS MOECENATIBVS

Ab Andrea Loeachio Scoto,

HONORIS ERGO,  
EXHIBENTVR.



CRACOVIAE.  
In Officina Ioannis Szeligæ: Anno Domini  
1609.

34.VII. 229.



**CLASSE S QVINQVE  
ANAGRAMMATISMORVM.**

Quarū primā Donatur Nominū Encomiis  
ILLVSTRISIMI. ET R. DOMINI.

ALBERTVS BARANOVIVS, D. G. Archiep.  
Gnes. Leg. Natus R. P. Primas, & primus Princ.  
LAVRENTIVS GEMBITIVS, Epif. Culmen:  
Reg. Pol. suprem<sup>o</sup> Cancellari<sup>o</sup>.

**CLASSE SECVND A ILLVSTRIS. DD.**

NICOLAUS ZEBRIDOVIVS, Pal. & Cap. Ge-  
neralis Crac. Sniatinen. & Stenzicen.

GEORGIVS MNISSHEK, Pal. Sando. Cap. Sáb.  
IACOBVS PRÆTIFICIVS, Pal. Podoliæ, Cap.  
Trembowlia.

IOANNES POTOCIVS, Pal. Bratislau, Terra-  
rum Podoliæ Præfectus.

**CLASSE TERTIA PERILLVSTRES DD.**

ALEXANDER ZASLAVIVS, Dux de Ostro-  
rog, Cast. Wolhinia.

NICOLAUS OLESZNICIVS, Cast. Malog:  
SEBASTIANVS LVBOMIRIVS, Cast. Woin.

3084. II.

**CLASSE QVARTA PERILLVSTRES DD.**  
FELIX CRISCIVS, Regni Pol. Vicecancellari<sup>o</sup>.  
NICOLAUS WOLSCIVS, Curia Mar. Cap.  
Krzepiciensis & Rabstinenfis.

IOANNES FIRLEIVS, R. P. Thesaurarius.  
BALTHASAR STANISLAWSCIVS Curia  
Thesaurarius.

**CLASSE QVINT A IVVENTVS LECTISSIMA:  
ILLVSTRES DD.**

GEORGIVS ET CHRISTOPHOR<sup>o</sup> DVCES  
de Zbarasz &c.

IOANNES ZEBRIDOVIVS, Palatinid, Crac.  
Cap. Lancoronensis.

NICOLAUS  
SIGISMVNDVS  
FRANCISCVS

{ MNISSHEC, Palatinides  
Sandomirienses.

NICOLAUS HERBVRT, Palatinid. Russia.  
STANISLAVS LVBOMIRIVS, Castellanides  
Woynicen. Cap. Sandecen.

IOACHIM<sup>o</sup> LVBOMIR<sup>o</sup> Cast. Woynicen.  
NICOLA<sup>o</sup> ET ALEXAND. COMOROVII,  
Comites Liptouia & Arauia DD. in Zywiec.  
IOANNES BELZECIVS, Aulicus Regius.



# AVCTOR SVÆ MVSÆ,

Quid Supplex Speratis Mæcenatibus dicat voueatque, iniungit.

**H**eroas, mea Musa, petes, meliore metallo  
Quæis facta Altitonans Pectora & ora dedit.  
Musa, petes Flores Iuuenum, quorum omnis & omnis  
Patribus Herois æmula corda gerit.

Docti omnes, meriti que omnes decerpere fructus,  
Aonii montis quos iuga celsa ferunt.

Admittere. Loqui admissam nisi sorte vetarint,  
Omnes affare his, tincta pudore, sonis :

Vos canit Externus, Varumque è plebe Poeta,  
Nomina perpetuo ô digna Marone vehi.

Passa illum, nostrosque illo sterilefcere cantus,  
Ingenii quod erat, dispulit Aula fide

Infidâ. Venæ hinc, quo vos meditata Camæna  
Ornare, exaruit, non aliunde, viror.

Cæcam aiunt Sortem : vidit, dum damna struebat,  
Ordine ad Inuidiam sed præeunte Nouo.

Alpha Virum & Iuuenum, quibus (adde) Polonia ge  
Ordinis Inuidiâ Mens hebetata Noui, (stis,

Indiga opis vestrae, & rerum omniū egena, remota  
Vix senio (canos præuider ante diem)

Ad vos se recipit, digni ô grauiore cothurno,  
Ceu vobis faciles speret adesse manus.

Vitam inopem date quo, ne in lucem prodeat, ornet :  
Compede sed laxâ cæca vidensq; premar.

Nunquam ita conatu possit Nouus Ordo nocere,  
Vobis, Fortunæ vel minuisse gradum,

Sic vestra Liuor Virtute repulsus, in Orbe  
Subtractos telis vos canat ipse suis.

# CLASSIS PRIMA.

ALBERTVS BARANOVIVS

Per Anagramma.

LABOR TVVS SANE IVBAR.

Prosphonema Fidei, Spei, Charitatis,  
Ad Eundem.

**D**ia Fides, summo Dilectio nata Ton ante,  
Et Spes, in nullis cedere docta malis,  
Sic de te affirmant: SANE tam Nomine quàm Actu  
Tuque LABORq; TVVS, Sol quod in axe, IVBAR.  
Neuter enim, neuter vel opacis mergitur vmbriis,  
In mediis tenebris Luminis auctus ope.

ALBERTVS BARANOVIVS  
ARCHIEPISCOPVS GNESNENSIS.

EN. HONOR GENTIS. I SALVVS  
PACI, REBVS, SPEBVS, ARCANIS.

Patriæ Applausus,  
Et Votum pro Eodem datum.

**G**ENTIS HONOR, tribuens Paci incremēta: Sacerdos,  
Maxima curarum, EN, cui pia Sacra Deū;  
A 2 Audin



Audin vt applausu Patria intonet omnis oborto?  
Vt votis resonent tecta remota Iouis?

ARCANIS REEVS longos & SPERBVS in annos  
I SALVVS Prætul: Sidera tardus adi!

Tu nobis poteris, poterisq; adeo orbe carere;  
Nos, sine te, metui turba relicta sumus.

Iam satis, & nimium Superi inuidere, vetarunt  
Magnorum auxiliis posse fruique Patrum.

An quoque te inuideant? Benè perge diuq; Me  
Sacرات in testes nosq; laboris habe. (rerì!

Viue diu, Excellens Factis, Animisque Serenus!  
Contingant serò funere damna tuo.

LAVRENTIVS GEMBITIVS. REGNI  
POLONIAE CANCELLARIVS.

SIGILLVM TIBI LARGITVR AVE,  
AVE. NONNE CENSORI PLACES?

Prophonema Sigilli Maioris

Ad Eundem, Cancellarium Dignissimè Factum.

H<sup>ec</sup>us, LARGITVR AVE TIBI, AVE repetitq; SIGILLVM:  
CENSORI (Altitonans censuit ipse) PLACES.

Adiunxit sua vota Polus, Diuūq; Senatus.

Dignum nonne, Deis quod placuisse potest?

LAV.

LAVRENTIVS GEMBITIVS,  
EPISCOPVS CVLMENSIS.

ET PECTVS E MVVIS PLE-  
NVM GRAVIBVS CONSILIIS.

Ad Eundem.

De Maxima Dignitatis suæ parte à Musis Auctri-  
cibus profectâ.

C<sup>ONSILIIS GRAVIBVS PLENVM</sup> tibi PECTVS, Et ora,  
Laurenti, E MVVIS quis neget esse nouem?  
Fudissent nisi Pegaseum tua in ora liquorem:  
Hoc nisi lustrasset docta Minerua caput,  
Quâ prodes, sterili iacuisset Gloria campo,  
Nec Legum Patriæ nunc tuerere decus.

Nunc Polus haud Aras, de te, certare videret  
Cum Sceptro: Inuidiæ hîc si tamen vlla seges.

Affecere Aræ, Sceptra affecere Fauore:

Strauere huc Musæ, strauit Apollo viam.

Polliciti Maiora etiam. ô sudore parare

Perge modò, & veræ tendere Laudis iter.

CLASSIS SECVNDA.

NICOLAVS SSEBRIDOVIVS,  
PALATINVS CRACOVENSIS.

Per Anagramma.

VIS. VERBA. POLONIS LAVDIS  
CONSCIIS IVSTA CENSURA.



De Eodem.  
APOLLINIS IUDICIUM.

De Te scripturo (tua me Benefacta mouebant)  
Hac Calami arrepti ter cecidere manu.  
Scripturū vt, Spes magna foli, Spes omniū & ōnes  
In te non frustra vertis, & ora hominum,  
Exemplō Grauitas rapuit tua, rursus ab ista  
Consilium duxit, flexit vtrique Fides.  
Ergō dicebam cœptis sub versibus hærens:  
Deficio; validam porrige, Apollo, manum.  
Ille mihi: Frustra molimine tangis Olympum.  
(Dixit, & in vultu signa vetantis erant)  
Impar tollis onus, modicis nec viribus æquum;  
Hic plus Semideo est: Hunc rudis ore canes?  
Ipse ego, dū volui, quamuis sim Carminis Auctor,  
Metiri, &, si non carmine, mente sequi,  
Virtutum ingenti fessus sub mole cadebam:  
Fingere nec potui; fingere vera vetant.  
Si cui Fastus abest, si cui Mens Fraudis inanis,  
Si cui Sancta vacat Suspicionē Fides,  
Orbis, de paucis Vnum iactato; relictum  
Liuori esto tamen, quod reprehendat, opus.  
In Patriam Obsequiis Hic nulli cedit: ita vnus  
Officij Meritis omnibus vsque præit.

Quis.

Serua eadem multis de Illo sic asserit: Vltro  
Virtutem Huius ego Grata fatebor Heram.  
Quisquis in hunc loqueris, me me petis, vltor iniq;  
In mea nāq; agit Hic cōmoda, quicquid agit.  
Nemo meis vnquam grauior fuit hostibus hostis:  
Nemo vnquam visus Fas temerare minus.  
Quicquid agat, quicquid sonet, ē CENSURA POLONIS,  
Dū VERBA accipiūt, quæ probat ipsa Themis.  
CONSCIUS est LAUDIS quicunq;, & Nomen adorat:  
IUSTA instar Normæ ē cuiq; imitanda manus.  
Cætera hīc, esto, vetet laudata modestia mentis,  
Cætera at Arctophylax & Cynosura scient.  
Herois (claudio) præsens Constantia cœptis  
Signa dedit nunquam tam manifesta sui.  
Fucus, Turpe tegens Pulchri sub imagine, verte,  
Verte aliō linguam: hīc nil tua verba valent.  
Quem Minuisse paras, nolens Augebis Honorem:  
Lux hæc sub radijs Nubila crassa premit.  
GEORGIUS MNISSECH. PALATI-  
NVS SANDOMIRIENSIS.  
MVNDI AMARVS HONOR. ISTI  
SPES GIGNIS. ALIS NEC ES.  
Dum procul à Patria premit inclementa fati,  
Innocuumq; quatit Sors malefida caput,



Non secus ac quondam defleuit coniugem ad undas  
 Strymonias Orpheus, terra Polona tibi,  
 Et Natæ adgemuit; Natæ & Tibi duxit obortas  
 Sape illa, heu, lachrymas, addidit hosque sonos;  
**MYNDI HONOR** euentu dicendus **AMARVS**: in orbe  
 Hoc etenim latum nil sinis esse diu.  
**SPES** ISTI **GIGNIS**, natas sed fulmine turbas,  
 Mox **ALIS** (infide, hic mos tibi quippe) **NECES**.  
 Deligit exter nos tellus quæcunque **Hymenæos**,  
 Nescia, o, exitium diligit ipsa suum.  
 Externus mihi factus **Hymen** vix comode vnquam,  
 Sed grauis, atque minax, & truculentus erat.  
**Æacidem** **Priamus** **Generum** dum legit, ob ipsum  
 Exsilium **Troia** vidit adesse sua.  
 Moscu ego dum dignor nostro de sanguine **Nym**  
 Quæ partem Imperij per **Diadema** gerat, (phæ,  
 Dedecus affecto nullo debile seculo,  
 Et propria infamem duco per ora notam.  
 Cuique meam liceat culpam exprobrare: fatebor  
 Culpam animi dicam, **Prodiga** **Amoris** eram.  
 Cuique etiam liceat mihi succensere: fatebor  
 Felicem raro, qui peregrinus **Amor**.  
 Munere sub **Paphio** sero conspectus es hamus,  
 In carptis ingens floribus **hydra** lates.

Scilicet

Scilicet auspiciis primum dulcissima latis,  
 Post in tristitiam prodita regna iacit.  
 Cur min⁹ at metuit modò vos, mea robora, **Mosc**  
 Quam **Stephanus** quando vixit in orbe meus?  
 Ille Animis præiit, ille idem frenâ **Gradiui**  
 Arripuit, prensas rexit & ipse vices.  
 Neue foret nostro tantum **Diademate** **Clarus**,  
 Illius adiecta est portio quanta manu  
 Telluris! faciles quæ nunc mihi denegat aures;  
 Ceu subigat Ciues ad sua vota meos.  
 Sic **Patriam** absenti tibi finge (haud fallo) locutam  
 Nunc animat **Reducem** talibus illa modis:  
 Sors malefida tuo vultus ostendit amicos  
 Et **Genero** & **Natæ**: at lusit vtrumque licet,  
 Tete exploranti Cælo si credis, **Honori**  
 Creuere **Aduersis** semina certa tuo.  
 Plus meruisse fuit **Generum** per iura **Triumph**  
**Fortunæ** ablato quàm caruisse dolis.  
 Fama quidem sparsi seruat vestigia luctus,  
**Demetrius** rebus desit esse super.  
 Immanis **Patriæ** sæuissimus abstulit **Ensis**,  
 Atque **Ignis**, non iam quò ferus iret habens.  
 Siue tamen **Iospes**, mortemque euasit acerbâ,  
 Seu quæ illum peperit, funere terra premit,

B 2

Dedecus



Dedecus ob nostrum, mihi stat tentare labores :  
 Adferat, esto omnes Sors furiosa minas.  
 Mox discet Moscus quàm non sibi Numen amicū  
 Spiret, vt iratum senserit esse Polum.  
 Ne patiar, voluam diros Ixiōis orbes,  
 Isthmiacis trabibus subiiciamque sinus.  
 Esto, iterum atque iterum redeat Fortuna retrorsū,  
 Quo mea resque fuit, desinat esse loco :  
 At Sortes, tua quēis tumuerunt Sceptra, Polonis  
 (Experiere) Aquilis se dare, Mosce, volent.  
 Mitte Heros curas; lachrymas subducat acerbās  
 Tecum facque nouis nupta relicta thoris.  
 Coniugis Exuuiæ (satis ô doluistis vterque)  
 Quotidie has prohibent, quotidieque vident.  
 Accipis ô nostras seu tu, surda vmbra, querelas,  
 Seu non; hunc sensus morte negante modū,  
 Ausa immane nefas tellus tibi quæ dedit ortum,  
 Purgat adhuc proprio sanguine triste nefas.  
 Optauit quoties, externo pressa Gradiuo,  
 Ereptam lucem restituisse tibi !  
 Non alium viuo quēis te sperare licebat,  
 Externos Dominos iam didicere pati;  
 Implorantque etiā. Tua Mars Mors vltæ flagello est :  
 Funera tota vnum gens tua vulnus habet.

Quoti

Quotidie vasto Mars & Mors crescit hiatu,  
 Vltrique furit dux Metancea manu.  
 Interea ante oculos tristis versaris imago,  
 Et viuum incutiunt mortua membra metum.  
 Occurrit cinis, & dispersa fauilla per auras,  
 Si quid & horrendis retius esse solet.  
 At quod honoratis, Demetri, obieceris ausis  
 Corpus, inornato fine perisse nihil.  
 Heu Socer, optabas potius per vulnera mortem,  
 Luctificæ Sortis quàm superesse probris.  
 Cælo aliter visum: Genero qui Sceptra Paterni  
 Imperii dederant Dij, tribuere tibi,  
 Tanti ideo Nomen Soceri, vt Dea passibus errans  
 Ambiguus quateret fortia corda manu.  
 Te, gens, quæ sacrum temerasti Numinis alti  
 Arbitrium, incerto tempora certa manet  
 Vltio. Quā frustra Dominum tu ferre negabis,  
 Quemcunq; in Dominū Numina læsa dabunt.

IACOBVS PRAETIFICVS.  
 CUI SPES. OB FACTA VIRI:  
 De Magno Maiorum Nomine Maximis Clarissimisque  
 Factis Eius propagato.

Magn<sup>o</sup> erat Pater, & Magnis bene cognit<sup>o</sup> Ausis:  
 Magnorū idcirco Cura metusq; Ducū.

B iii

Ne ma



Ne magnæ Famæ morentur semina, Auitis  
Spebus in Hoc Nato Sors superesse dedit.  
CVI SPES factæ, OB FACTA VIRI? Assentatio cede:  
Non sat Totarum Patria tota Capax.  
Partem habet Ille sibi, partē Mars sparsit in Orbe:  
At penes est Patrios portio quanta focos!  
Tempus erit, quando vnus stupefacta Vetustas,  
Totius voluet Gesta canetque Domûs.

IOHANES POTOCIVS.

INVICTO HONOS A SPE.

Augurium Martis & Palladis de Eodem, non sine  
Laude, in Christiani nominis hostem pugnante.

**M**Ars toties, Pallasq; tuis vicina periclis  
Agnouere Animos per tua Facta suos.  
Obtento lætis Mauors Pallasque Decore,  
Non vano Augurio sic cecinere Tibi.  
Crescet HONOS A SPE, INVICTO crescentq; Triûphi  
Robore. Nil magno pectore Achille minor,  
Venit Honos tibi: Nec tribuit tua Patria tantum  
Virtuti multum, Regna inimica tuæ  
Concessere etiam, venerata & in hoste Graduum,  
Ceu rata municipem te statuisse suum.

CLAS

CLASSIS TERTIA.

ALEXANDER SSASLAVIVS

Per Anagramma.

SERENA LVX, SALVA ADSIS.

Apostrophe ad Antiquissimam Bellicosissimamque  
Ducum Zaslauiorum Prosapiam.

**O** Genus Heroum, Domus ô cõtermina Marti,  
Quid breuibus de te commemorabo modis?  
Si dicam Proavos, reuocant Ataique Abaique.  
Gesta foris celebrem? sunt potiora domi.  
Certum igitur tacuisse mihi: canat ipse Graduius  
Incerto nunquam te titubasse gradu.  
LVX ADSIS Generosa Domûs, Generique SERENA,  
SALVA in Alexandro Secula longa vide!  
Ille habeat Natos, habeant Natique nepotes!  
Qui longâ augmentent Posteritate Lares.

NICOLAVS OLESSNICIVS.  
EN, ILLOS CASVS, O, VINCIS.  
EN SIC, O, INCOLIS SALVVS.

Constantiæ Eiusdem Patriæ relata Gratitude.

**P**ectora, Olessnici, tua sunt confessa Polonum  
Sanguinis Auctorem; quippe Polonus erat.  
Codrus in hostiles Patriæ causâ impiger enses  
Fertur: tu Gentis motus Amore tuæ,

Obiit



Obijcis innumeris vitæque viæque periculis  
Charam Animam, certus non titubare fide.  
In te vel Siculis veniat si flamma caminis,  
Cum fera turbatus concutit arma Faber:  
Scylla tuos captetq; artus, vitæq; minetur,  
Raptet & in tumidas cæca Charybdis aquas,  
Nil Patriæ auertunt: perstas inuictus agendo;  
Ut Socios Salues igneus ardor adest.  
EN, ILLOS CASVS, O, vix sperâsset Vlysses  
Vincere quos, Vincis. Causa parata tuæ  
Non parua hinc Laudi. Nā quā tu Gentis Amator  
Es Patriæ, Nomen tam Colit illa Tuum.  
Audin vt acclāment campiq; Laresq; Poloni?  
Attigit & quem non Nominis aura locum?  
Patriæ Olesnicius Saluus iam sistitur oris:  
Patriæ Olesnicius barbaro ab axe Redit.  
Quanta olim Bruti consedit pectore robur,  
Pro Patria ferret cum pia tela sua,  
Tantus Olesnicii sese intulit ardor in artus,  
Dum Fratrum à Nemesis colla furore trahit.  
Non Libertatem fandi minitata tyrannis  
Fregit, non feritas, non metus ipse Necis.  
Mens inuicta malis, nullis celsura periculis,  
Constitit, & visa est pondere firma suo.

Credite

Credibile interea cepisse obliuia Charæ  
Coniugis, & solitum dicere, Chara Vale.  
Patriæ Amor cogit Fratrum sentire dolores,  
Communi donec Sors satiata morâ,  
Hic tristes celsset nobis producere luces,  
Ad-q; Lares ventus vela secundus agat.  
INCOLIS, EN SALVVS, sedes per vota petitas:  
Hospes &, O, Laribus Sic bene gratus ades.  
Nec tibi fatorum series inopina malorum,  
Nec tibi dextræ, aliis quæ nocuere, nocent.  
Audiat vt meritò Stephanus Regaliter! Illo  
Viuo etenim poterant tale timere nihil.

SEBASTIANVS LVBOMIRIVS.

AVRVM. SIS NOBILIBVS. ATES.

Ad Eundem Bene Opulentum,

A Fastu ramen, opum comite, longè remotum.

NOBILIBVS SIS, AVRVM! (ATES) anxia mens tamen  
Vel quæ auri mores ingeniūq; sapis. (absis,  
Nescio an impetrem: scio at vnum; culta metalla  
Fulgore efficiunt turgida corda suo.  
Heros (non vanis diuulgat fama susurris)  
Pectus ab hoc vitio profus inane geris.

C

Vix



Vix plus cuiquā auri, nemo minùs inde superbit:  
Res vna ac laudi est adiicienda tuæ;  
Magnū opus haud modicum peperisse nepotibus  
Munificū nomen linquere maius erit. (auri,

**CLASSIS QVARTA.**  
**FELIX CRISCIUS, REGNI PO**  
**LONIAE VICE CANCELLARIUS.**

Per Anagramma.

**NIL SIGILLO FELICIOR, EX VENA,**  
**AC CVRA, CENSERI CVPIS.**  
Posthuma Censura Magni Stan. Minscii, Proximi Prædeces  
soris. Eiusdem, De Eius Dignitate, pariter & officio  
illi collato.

**M**iniscius Elysiis rediens de vallibus (hunc tu  
Tutelæ in testem candidioris habes)

Viderat vt Themidem per te mox sede locandā  
Speratā, affatus taliter astra petit:

**CENSERI CVRA, AC VENA FELICIOR altā**

Dum **CVPIS, EX** geminis, tertiā causā venit;

**Cerā** Aquila niuē rosēoq; superba colore:

Ipsa licet fragilis robore firma ligans.

**Munia nil** decorant (quia te inferiora) **SIGILLO:**

**Pro radiis referunt Lumina quippe datis.**

xiv

Porro

Porro etiam maiora manent meliora Merentem:  
Inrerea spebus suesce fauere tuis.

**NICOLAUS WOLSCIVS, DE PODHAIEC,**  
**CVRIAE MARESCHALCVS, ETC:**

**AVE CAUSA, DIC SAECVLO: HIC DE**  
**POLONIS MERITVS, HAC LVCE CARVS.**

Mores Eiusdem,

Veterem Gentis Candorem referentes.

**H**eroum Decus egregium, Candoris ocelle,  
Qui merito ad Meritū tendis Honore Gradū;  
Crede mihi, si quæ venit Ambitione voluptas,  
Exspretā fructus non minor esse potest.  
Quam quisquam ingenuè dixit fecitq; sepulchro  
Tam parto quondam Nomine surget Honos.  
Candoris Prisci quæ tu non signa dedisti?  
Censeat an Tibi se laude quis hacce Parem?  
Non huic Ambitio Menti, non Censibus hærent  
Alterius damno lucra parata tuis.  
Cætera digna quidem Proauito sanguine, at vnū  
(Non fallor) supra pectora Auita tibi:  
Dum cupis Externā, Patriā vt de gente mereri,  
Me patere in Dotes adnumerare tuas,

C 2

Huma-



Humanos Mores; quæis tu superaueris omnes,  
 Nî forsan possit quis superare Iouem.  
 Cui tu vnquam durus? quem non dignatus es ore?  
 Fecisti, dici quæ, fieri uè, decet.  
 Quot vos (vos Eius) Benefacta parâstis Amicos!  
 Deceptus nemo credulitate boni.  
 CAUSA Fauoris, AVE! MERITVS (DIC SAECVLO, & ânis,  
 Quæis circum terras lumina Apollo vehet)  
 Hic Bene de Populis (vera an reticenda?) POLONIS;  
 Non cuiquam ex vlla parte, quod oblit, agens.  
 Per pauci tecum Ciues hac lege coibunt;  
 Vt Ciuis nemo non sibi nomen auet.  
 HAC LVCE ES. CARVS. Nihil obscurare Nitorem  
 Hunc poterit Liur, cum Phlegetonte licet  
 Conspirent. Sensus agnosce, Polone, Polonos:  
 Dignius haud quidquam Patria tota videt.  
 In tenebras abeat Fastus damnatus Auerni;  
 Ausit nec Clarum contemnerare diem.  
 Moribus atq; Animo Bonus es; secus alter. At intrâ  
 Si mala mens, Valeant quæ speciosa foris.

IOANNES FIRLEIVS.

AN FIS, SINE LIVORE?

Eidem

EIDEM INVIDIAE VICTORI.

AN SINE LIVORE, ô, veteri Fis primus Honore?  
 Et Genus & Virtus quem peperere. Tace:  
 Non equidem. Sed & Inuidiam vicisse, paratam  
 Ad Laudem, cense, non leue pondus erit.

BALTHASAR STANISLAWSCIVS.

LAUS, STAS VNA CVRA STABILIS.  
 Ad Optimam Famam Eidem Curarum Maximam.

QVæmodo nō hominū præbent spectacula curæ!  
 Quarum non paucos poenituisse solet.  
 LAUS, STAS HUIUS STABILIS: CVRA VNA scilicet instat,  
 In Mores ne quis dicere iure queat.

CLASSIS QVINTA.  
 GEORGIVS ET CHRISTOPHORVS,  
 DVCESS DE SSBARASS.  
 AH SORS, TE DA HOC GRESSV  
 PROGRESSIS DVGIBVS.

De Effigiebus Eorundem,

Pro Musæo Illustris & ædificat admodum D. Eust. Wolouici  
 Abbatis L. M, D. L. Referendarii, & Ioanne Criswalce  
 Gallo, nulli Pictorum secundo, prorsus ad viuum depictis.

ZBarasium Effigies istæ sunt vmbra figuræ:  
 Pingere Zbarasios si bene, Galle, cupis,

C 3

Pinge



Pinge viro similes, qui mores vidit, & Vrbes;  
Quo gerit æternum terra Latina decus.  
Pinge duos, acris superent qui vertice multa  
Millia (sed pauci, si numerentur, erunt)  
Ingenij. Amborum sit toto in corpore Virtus,  
Amborumque habeant corpora mentis opes.  
Illius atque Huius referatur Imagine Pallas:  
Ora habeant Charites, Fronte locetur Honos.  
Nec mihi sint stantes; Præeant certamine multos:  
Sit visu multis Inuidiosus Agon.  
Effigies subtuscribatur: Sanguine Auorum  
PROGRESSIS, pauci quo meruere Ducum,  
HOC GRESSU DUCIBVS, TE DA SORS, Ah procul absit  
Quisquis Amicitiae futile nomen alit.

IOANNES S SEBRIDOVIVS,  
PALATINIDES CRACOVENSIS  
CAPITANEVS LANSCORONENSIS.

SANE ES IVVENIS TE SACRO-  
SANCTIS SENSIBVS IOVI, PALLA-  
DI, O, NON PARIDI CONSECRANS.

Specimen Animi ad omnia Honeſta nati, In Eodem  
etiamnum puero Notatum.

**N**on mentite Atavos Iuuenis, Patre atq; futuro  
Nil Magno (Liuor comprimat ora) minor

Patre, in quo Heroes veteres sua corda viderent,  
Et quicquid Patrium Pax, Charitesue vocant.  
Vel Puero (Aspectus tantum Grauitatis habebat)  
Sic quis non dixit, cui bene notus eras?  
ES SANE IVVENIS, SACROSANCTIS SENSIBVS, O NON  
CONSECRANS PARIDI TE, Paris ora licet,  
PALLADI at os, Pectusq; Iovi. O maioribus annis  
Quam cultum reddent Numina culta Virum!  
Non te, Penelopes inter, discinctus amator  
Nequitiam aut turpes cernet amare iocos.  
Non tibi Sirenes nocitura, aut pocula Circes;  
Omne Voluptatum despiciasq; genus.  
Creuisti; nec tantum haud es mutatus ab illo,  
Quem te spondebar conlona Fama fore,  
Vt voces etiam superaueris omnium, & omnes:  
Virtuti factus concolor altus Apex  
Ingenij. Hoc dum tu Sophiæ, Generose, per Artes  
Excolis, & quæ sunt Indole digna facis,  
In te oculos vertis, quibus est Prudentia rerum:  
Docto etenim Heroum tota Corona Fauet.

AD N. MNISSCHEC, PALATINIDEM SANDO  
miriensem, natu Maximum, Capitaneum Saniocensem,  
Ex Moscouia Redeuntem.

**N**ec potui, nec fas mihi erat sine Nomine de te  
Scribere, O Illustris quarta Propago Patris.



Tempus erit, mea quo memoret te Musa, canatque  
Quàm duro hæc fuerint pectora pressa iugo.  
Quantumuis passus mala, te obliuiscere passum.  
Crede mihi, Heroum est plurima dura pati.  
Sume Animos: meta hîcq; viæ, meta hîcq; laborû:  
Tu Patriæ saluus, Patria salua tibi.  
Quid dixi? Nec meta viæ hîc, nec meta laborum;  
Scruteris Patriæ si bene sensa tuæ.  
Rursus ad arma vocat (dicam repetitor) in ausos  
Grande nefas Moscos Patria, ad arma vocat.  
Omina nî fallant, Famę tu fana locabis;  
Ambiguo interea fluctuet illa pede.

SIGISMVNDVS MNISHEC.  
NVM IS SEGNIS, DVM SCIS:  
DVM CINGENS SIS MVSIS.  
Ad Eundem, dū impigrè Palladi obsequitur, ad insignē Erudi-  
tionem per illam Euectum.

DVM Sophiam tu Scis, dū tu, præeunte Mineruâ,  
s quocunque gradum ponere diua monet,  
NVM visus SEGNIS? generosâmente labores  
Tam capis, Aonii per iuga fersque pedem.  
Te te Dum CINGENS SIS MVSIS, ornat Honore  
En, Pallas proprio, talibus vîa sonis:

Maſte

Maſte piis studiis, replete Aganippidos vndâ,  
Infer cultu animi Sideribusque caput.  
Impiger inceptæ calca Virtutis Arenam,  
Sisque olim Laribus tu Decus omne Tuis.  
FRANCISCVS MNISHEC.  
NVM CRESCIS? HINC FAS!  
Eidem grandior oprata ætas, leuiorisque laudata Grauitas.

M Iratus Senium in puero, & puerilibus annis,  
Sic quis non dicit: (quàm manifestus Amor!)  
NVM CRESCIS? Crescis, Patriæq; Poliç; voluptas:  
Tangere te ætatem dent pia fata viri!  
FAS erit HINC curæ! Ne sit vixisse pudori,  
Par vsque his Curio moribus esse voles.

Corpore pene puer, plusquàm Grauitate Senili,  
Augurio haud impar Dotibus esto tuis!  
NICOLAVS HERBVRT.  
ROBVR, ETHVNC ALIS.

Vaticinium Lucinæ,

IV De Eodem Nascente.

H as auras dederat postquam Lucina tenello,  
Præſaga est Patriæ talibus vîa tuæ:  
Sint nati Heroum, formoso corpore Adonin  
Æquare, & roseis Endymiona genis,

D

Qui



Qui satis esse putent: sint caca Sorte superbi,  
Nec quicquam affectent præter Abire Rudes.  
Iste Animum maior voluit excoluisse per Artes,  
Pollere Ingenio, Mentem aperire sonis:  
Virtutem haud nudis titulis extendere Auitam,  
Ad Spes se factas addere Laudis opus.

HVNC ET, ROBUR, ALIS. Sic sæpe nepotibus hæret  
Mens Proatium, & Natis vis Generosa Patrū.  
Dextra Animiq; aderunt pariter, cū Patria poscet  
Arma, Boni frustra nec rogabit opem.

STANISLAVS LVBOMIRIVS.  
SOLVIS, NATVRA SVBLIMIS.

Ad Eundem.

Ignobili Nobilium quorundam sollicitudine vacuum  
**N**obilitas quædam est, speciosi oblita decoris,  
Quæ dat Avaritiæ sordida signa suæ.  
Hæc, ceu diuitiis Morti impositura propinque,  
Auger quottidie, quas cumulauit, opes.  
Digna vt, post curas transactæ & tædia vitæ,  
Lethæos adeat, non reditura, lacus.  
NATVRA SVBLIMIS ab hac, Stanslae, recedens  
Fæce hominum, SOLVIS suspitione mali  
Ingenuos Mores. Ratione (vt cætera dicam)  
Non aliâ humanus conciliatur amor.

Solue

Solue tuum Vati nomen, si vera loquutus;  
Translatum Nomen sic tibi in Omen erit.  
IOACHIMVS LVBOMIRIVS.  
HIC VIVO ALMIS MORIBVS.  
Idem de suo Animo in Virtutū & Literarū Studium.

**H**IC vivo, hîc vouiq; ALMIS Sacrare Camœnis  
Lustrum, si Iuueni turba nouena fauent.  
Quid dixi? & puero doctæ fauere sorores.  
(Ne laus ista meo sordeat ore, precor)  
Non ero de numero quæis Virtus fingitur auro:  
Tempus erit, Vitii hoc cū quoq; dente petā.  
MORIBVS est Animus labem vitare profanam,  
Quā sine Nobilium viuere rarus amat.

NICOLAVS ET ALEXANDER COMOROVII,  
DE COMOROW, COMITES LIPTOVIAE, ET  
ARAVIAEDOMINI ETHAEREDES IN ZYWIEC.  
PAX REVOCO: VIDES INVIDIAE ARMA, VETA  
AMICITIAE SOLE LVCE! ZELO ANIMOS NE  
CTE! TIRO HONOREM DIDICIT VERI VOVEO.  
Reiectæ Simultates in obstantem Concordiæ Inuidiam Siue  
dirempti Amoris vtrinque Redintegratio.  
Vteruis Fratrum loquitur.

**P**AX, REVOCO: Sine te, scrutemur vt omnia, nullū  
Quod non perturbent fata maligna, bonum.

D 2

INV 12



INVIDIAE ARMA VIDES. Nostrum ambitione laborat  
Neuter : tu cense, & deteriora VETA !  
SOLE, O, AMICITIAE LYCE ! Sine crimine vterque  
Culpati : Inuidiae Suada reperta rea.  
Pectora commisit, fateor, Fortuna Parentis :  
Et fuimus famae nuper in ore duo.  
Nos in nos aliquid sumus (esto) immaniùs ausi ;  
Mens neutro at factis facta scelestis minis.  
Sidera sunt testes, & qui Pater iuit ad umbras ;  
Ante oculos cuius triste cadauer adest :  
Nullum odiù in nostros, nullum penetrauerat artus ;  
Alterius Liuor causa caputque mali.  
Esto, mea & Fratrem gessisse in vulnera ferrum ;  
Noluit ille meâ cade madere tamen.  
Audito hoc, Liuor, Violati crimen Amoris ,  
De te censura hæc Pectore vtroque sedet.  
Tu Felle Ambrosiam vitias : tu Nectari Acetum  
Iniicis : haud nos, te turpia probra notant.  
Terra eadem lolium gignit, segetesque salubres :  
Si negat hoc, mendax vel sibi Phoebus erit.  
In nobis Generisne Fidem periisse putabas ?  
Intrepidi alterius fata subire sumus.  
Nomen Amicitiae venis insedit in imis :  
Certior ex isto tempore factus Amor.

Aurea

Aurea Pax, adsis : Ausos nos surgere contra  
Cerne tibi Dextras tendere, cerne sonos.  
ZELO NECTE ANIMOS ! Frater mihi Nisus, at illi  
Pirithous (VOVEO TIRO) paratus ero.  
Nulla dies inter nos tali fulgeat ortu,  
Nec sic aduerso nox fluat vlla Ioue,  
Vt nos in turbas demus, nocuosque tumultus :  
Sit procùl, ô, quicquid praua libido iubet.  
Nomine communi per quas nunc Tangimus, Aras  
Iuro : (sic faciles Numine adeste Dei)  
Seu Sors dura premat, seu molliter omnia cedant,  
In fido Fidus pectore Frater erit.  
Et Dextrâ, certum est, & HONOREM corde TVERI :  
Hoc DIDICI, quondam Sors ita si qua feret.  
Inuisum quisquis Reparatum reddere Amorem  
Cogitat, in Furias incidat ille suas.

IOHANNES BELZECIVS.

Per Anagramma Sextuplex.

HEVS NOBILIS. NE CESSA.  
ZELVS BONI. NAE HIC SIS.  
NAE BIS ZELO VINCES.  
ZELO VINCIS. AN HEBES.  
ACIE NOBILIS SENSVS.  
NOBILIS. AC VIS ENSES.

Dehortatio ab Aulæ Insolentia,

D 3

Ad eum



Ad Eundem,  
Et grauiſſimo Horaru Opt. Patris Ad veram Virtutem ſeriò  
Excitatum, Et hac Præmonitione,  
Scias Qui Sis.

Cuiusdam apud Exteros Religioſi, ne Spem ex Indole  
captam falleret, non ſegniter anhelantem

**N**OBILIS HEVS, quicūq; fuit, qui Scire, Quis Eſſes,  
Iuſſerat, in vultu legerat ille tuo  
Ingenuum Genium, Iuuenili in fronte Senilis  
Incrementum Animi, Pectora Digna Domo.  
Credibile Indiciū Morum aſpexiſſe, notaſſe  
Maturâ, vt tenerum, iam Grauitate Regi.  
Cætera quid memorê? Ne CESSA adhibere Parê  
Digna ô verba Sopho Moribus, eia, tuis. (tis  
Sperne Aulâ (veteris quid laudis cernis in Aula?)  
Stultus, ab his Tenebris qui ſibi Lumen auct.  
Quicquid aget petulans, curſu in contraria flecte:  
Improba, tempus erit, quo ſua facta luet.  
At tu Virtute hac, Animum quâ ſubtrahis Aulæ,  
Egregij & Generis Laude tuere Decus.

Ad Zelum Boni,  
De Eiusdem Pectore.  
Quâ interno cultu Elegantiffimo, quâ ſuorum  
Maiorum AEmulo.

Zelus

16  
**Z**ELVS, NAE HIC SIS iurè BONI: ſunt Pectore ab iſto  
Obscuri mores barbarieſque procul.

Eidem, magno Improbitalis Ruditalisq; Oſori.

**B**elzeci, Heroum ſoboles Generoſa Parentum:  
NAE TU BIS ZELO VINCES. Nam limine in ipſo  
Ætatis, præbes ſigna haud obſcura futuræ  
Virtutis. Primum hoc Claræ Indolis eſto Trophæū.  
Alterum adeſt pugnæ genus, altera cauſa Triûphij;  
Barbariem ſuperas Iuuenis, dum Pallade dextrâ  
(Quâm rarum Exemplum, ſæclo in peiora ruente!)  
Ocia amas, Aulæ populoque ignota profano;  
Ocia nec Letho, nec amaræ obnoxia curæ.  
VINCIS ZELO igitur. Tu AN HEBES certamine Luçæ  
O cuiquam dicendus eris? cenſore vel ipſâ  
Inuidiâ. Nec enim manifeſta negauerit illa.

Eidem, Ingenij Laude Egregio, & in Armorum amo-  
rem Creſcenti.

**S**iue opus eſt ſENSVS ACIE, tu NOBILIS illâ es:  
Siue opus eſt ferri, Creſcit & iſta ſimul.  
Tu Patriis Auſis Acvis, ſtyrps Nobilis, ENSIS;  
Artibus Ingenium. Quantum ô vtrinq; Decus!  
**FINIS.**







